

समुद्ध सग्गो-सार विरासत- रिवायतें गी उजागर कीता ते बरोबर विकास- समाजी सोहार्द- शिक्षा जेड़ी आध्यात्म कन्नै जोड़दी होए ते विज्ञान ते पर्यावरण सरबंधी जिम्मेदारी ते एकता गी बढ़ावा देने लेई आखेया। उनें आखेया जे मुख्य दे लोकें गी भारत दी सभ्यता- विरासत पर मान होना लोड़चदा ते राश्ट्र निर्माण लेई सब्बनें गी किट्ठे रलियै जत्न करने लोड़चदे।

<><><><><><>

CM Houses

मुख्यमंत्री उमर अब्दुल्ला होरें जंदे रोज जम्मू दे अहाता अमर सिंह ते सरवाल च नमें बनाए गेदे 56 रिहायशी फ्लैटें दा उदघाटन कीता- जेहदे कन्नै दरबार मूव दे मुलाजमें लेई रिहायश दी स्थूलत च बाददा होआ ऐ। दो G+6 ब्लॉकें च लॉबी-रसोई- बाथरूम ते बालकनी दे कन्नै दंडु कमरें दियां इकाइयां शामिल न। मुख्यमंत्री होरें आखेया जे इस परियोजना कन्नै रिहायश दी कमी दूर होग ते मुलाजमें दे रौहने दी स्थिति च सुधार होग। इस मौके पर उपमुख्यमंत्री सुरिंदर कुमार चौधरी ते मुख्यमंत्री हुंदे सलाहकार नासिर असलम वानी सनें केंई सीनियर अधिकारी बी उत्थे मौजूद हे। मुख्यमंत्री होरें विभागें गी निर्देश बी दिते जे ओह दरबार मूव कन्नै जुड़े दे सरकारी मुलाजमें दियें भविष्य दियें जरूरतें गी पूरा करने आस्तै आधुनिक ते उच्ची स्तर दे रिहायशी मकान बनाने दी योजना बनान।

<><><><><><>

Prez Udhampur

उधमपुर जिले दे विद्यार्थिये दे इक समूह नै राष्ट्रपति द्रौपदी मुरमू हुंदे कन्नै राष्ट्रपति भवन नमीं दिल्ली च मलाटी कीती। आकाशवाणी जम्मू संवाददाता दी रिपोर्ट मुजब इस दौरे कन्नै विद्यार्थिये गी इक मौका हासिल होआ- राष्ट्रपति हुंदे कन्नै मिलने ते गल्लबात करने दा एह दूर राष्ट्रीय एकता आहले जत्न दा इक हिस्सा हा। इस जत्न दी सोशल मीडिया पर बी बड़ी मती सराहना होआ रदी ऐ- केंई नेह होर कार्यक्रमें गी आयोजित करने लेई गलाया। सेना ते सिविल प्रशासन आसेया नियमित तौर पर जम्मू-कश्मीर दे विद्यार्थिये लेई दूर दा सरिस्ता कीता जंदा ऐ तां जे उनेंगी मुख्य दी विविधता- संस्कृति भूगोल ते विकास बारे जानने दा मौका हासिल होए।



Satish Jammu Reasi Bridge

रियासी ते जम्मू जिले बश्कार राबते गी बेहतर करने दे मकसद कन्नै मंत्री सतीश शर्मा होरें कल छम्ब हलके च तवि दरेया पर Balsaroo Mohalla थाहर इक पुल दा नीह पत्थर रक्खेया। इस पुल दे बनी जाने कन्नै हजारों बद्दे लोकें गी औने-जाने च सखाल होग ते अंतर जिला बश्कार राबता मजबूत होग। मंत्री होरें आखेया जे इस पुल दे निर्माण कन्नै यातायात च लगने आहला समां घट्ट होग- आर्थिक गतिविधियां बदी जागंन। शिक्षा ते सेहत सुविधाएं च बी सुधार होग। उनें अधिकारिये गी निर्देश दिते जे ओह कम्मै दे म्यार गी बनाई रक्खन ते इस कम्म गी समें-सिर पूरा करन। मंत्री होरें आखेया जे इय्ये नई परियोजनाएं कन्नै खिते च रौहने आहले लोकें दा जीवन स्तर बी बेहतर होग।



PDD Energy Conservation

जम्मू-कश्मीर च बिजली विकास विभाग नै कल राश्ट्रीय ऊर्जा संरक्षण हफ्ते दे हिस्से दे तौर पर ऊर्जा बचत सरबन्धी इक बड्डा अभियान शुरु कीता। आकाशवाणी जम्मू दे संवाददाता दी रिपोर्ट मुजब- इस अभियान दा मकसद ऊर्जा दी बचत दे महत्वै बारे लोकें च जागरुकता पैदा करना ऐ। इस मौके पर इक मुख आकर्षण स्कूलें ते कालजें च बड्डलै दी असैम्बलियें दौरान लैती गेदी ऊर्जा संरक्षण संगंध ही- जेहदे च ज्हरां बद्दे विद्यार्थियें हिस्सा लैता। शिक्षा संस्थान- वाद-विवाद- नारे लेखन ते होर जागरुकता गतिविधियें दा आयोजन बी करा रदे न। इस पैहलकदमी कन्नै मेद ऐ जे पूरे केन्द्र शासति प्रदेश च बिजली दे किफायती इस्तेमाल ते जारी बचत जतनें पर जोर दिंदे होई टिकाऊ अमलें गी बढावा थहोग।



SIA Doda

प्रदेश जांच एजेंसी SIA जम्मू नै पाकिस्तान आधारित हिजबुल मुजाहिद्दीन दे आतंकवादी जाहिद हुसैन जेड़ा डोडा दा रौहने आहला ऐ दी सम्पत्ति गी अटैच करी दिता ऐ। अदालत दे आदेश पर कारवाई करदे होई- SIA नै इक कनाल 16 मरले जमीन गी अटैच कीता ऐ। हुसैन मरमत दी Behota थाहर दा बसनीक ऐ ते ओदे पर आरोप ऐ जे ओह युवाएं गी आतंकवाद च शामिल होने लेई बरगलांदा हा। अधिकारियें दा गलाना ऐ जे इस कारवाई कन्नै आतंकवादियें दे तंत्र गी कमजोर करने ते खित्ते च उन्दे पूरे पराते सरिस्ते गी खत्म करने च मदद होग।



Railway Spl Train

उत्तर-रेलवे दा जम्मू डिविजन नमीं दिल्ली ते उधमपुर बश्कार 14 दिसम्बर तगर विशेष “वंदे भारत” रेल गड्डियां चलाग- तांजे हवाई डोआरिये दे रद्दे होने दी वजह करी यात्रिये गी होआ रदी परेशानी दा हल होई सकै। रेल गड्डी नम्बर 02439 दा 2 बजे उधमपुर पुज्जने दा कार्यक्रम ऐ। एह गड्डी अम्बाला Cantt- लुधियाना- पठानकोट कैंट ते जम्मू तवि रुकौग। रेल गड्डी नम्बर 02440- 3 बजे उधमपुर थमां चलोग ते रातीं 11 बजे नमीं दिल्ली पुज्जोग। इस जत्न दी सराहना करदे होई उधमपुर पच्छम थमां विधायक पवन कुमार गुप्ता होरें आखेया।

<><><><><><>

SKUST –J Tour

राई-बाई विज्ञान ते तकनालोजी सरबन्धी युनिवर्सिटी SKUAST जम्मू आसेया विद्यार्थिये गी ग्रामीण इलाके च अपनाई जाने आहली राई-बाई सरबन्धी तकनीके बारे जानकार बनाने लेई इक कार्यक्रम दा सरिस्ता कीता गया। इस सरबन्धे च कार्यक्रम बाबा जितो संभागार चट्ठा च होआ। इनें बच्चें गी राई-बाई दे पूरे-परातें विकास सरबन्धी प्रोग्राम तैहत भेजेया गया ऐ। करीबन 800 विद्यार्थी जेड़े जम्मू खिते दी बक्ख-बक्ख थाहरें थवां न इसदे च हिस्सा लै रदे न। इसदा मकसद बच्चें गी जमीनी सतह पर कम्म करने- कम्म च औने आहली परेशानिये- तकनीके ते नमिये काड्डे बारे जानकार बनाना ऐ। इस मौके पर राई-बाई मंत्री जावेद अहमद डार बी मौजूद हे।

<><><><><><>

Weather

मुकामी मौसम विभाग नै मौसम दे सूरतेहाल बारै ताजा जानकारी सांझी करदे होई आखेआ जे अगले द'ऊं हफ्तें दरान खित्ते च मौसम बदलोखड़ा बने दा रौहग ते उच्चियें धारें पर हौली बर्फबारी होने ते केइयें हिस्सें च धुंध पौने दे बी असार न। आकाशवाणी दे जम्मू संवाददाता दी रिपोर्ट मुजब मौसम विभाग दी ताजा भविक्खवाणी मुजब कल 12 दिसंबर गी समूलचे प्रदेश च मौसम अद्दे- दुब्बे तौरा पर बदलोखड़ा रेई सकदा ऐ एहदे मगरा 13 शा 17 दिसम्बर तोड़ी गासै पर बदल छाए दे रेई सकदे न ते उत्तरी ते मध्य कश्मीर दियें किश उच्ची प्हाड़ी चोटियें पर चिरें रातीं जां बड्डलै सवेला हौली बर्फबारी बी होई सकदी ऐ।

<><><><><><>